

四庫全書

集部

欽定四庫全書

御製詩三集卷三十六

古今體一百二十三首

甲申二

上元前夕小宴宗藩

熙春三接荅韶年

家法都城列邸便輿去何須詠菽采源來恰喜值柑傳
祥靈點作庭柯藹瑞霧噴成榻鼎煙百世宗支正昌熾
舉頭如月上元前

題綏德齋

四序春為首一心元作基王言豈徒大君子貴乘時必有德無忝方將祿永綏克明堯蕩蕩不敏請敦之

紫碧山房

因迴為高本不艱遠竒近概獻誰慳康功北郭桑麻裏爽氣西山襟袖間詩意乘空每有會畫家縮地此為閑是佳處宜常坐坐便思回奈少閒

涵雅齋得句

迴廊寧藉多曲折以致深深處有書齋彬然翰墨林每
值怡神候亦常點筆吟吟不尚雕龍惟寫勤民心

題張羽松軒春靄圖

樓臺金碧望雲頭軒外春松翠欲流人世定知無此境
前生遊處寫防邱

上元日侍

皇太后觀鐙

慶霄雪霽復風輕寶靄騰輝春宇晴

萬壽字屏金匱匝九華蓮燭翠縱橫

介眉卮進兜羅手照世杯開不夜城秋穡有登冬雪好
銓宵庶足愜

慈情

上元銓詞

西山積素未全消先日祥花又細飄

十四日
微雪

嘉夜于于

宜共樂

天教人度好元宵

春鐙去歲慙灾連今夕春鐙始愜然敢曰重熙逢勝節
益惟一意厪

祈年

靈臺剛協敷和紀上苑初迴條鬯時一氣陽春萬方被
花催羯鼓信兒嬉

歲歲

徽音奉豫遊行行火樹映西樓飛空萬道金魚箭獻

壽都為海屋籌

掌儀襍技增四部凸鼻凹睛舞木熙誰曰任禁率難解
譯成原是祝

釐詞

翠藍火結太平字丹碧煙擎富貴花雖是銓前呈吉語
祥徵願共萬民家

西瀛北界厠駕行習爽胥教得耀光屬國寧惟三十六
大都去號不稱王

毳服花茵宴賞陪真成萬國樂春臺

所司陳火戲其名
曰萬國樂春臺

貴山又報新馳使

伊犁將軍明瑞奏報哈薩克阿比里斯遣陪臣策伯克等七人入覲將次

至小分

去聲

應留待彼來

上元後一日小宴廷臣

上元剛過昨朝纔曲宴聯情此日開用事外藩仍許廁

貝子扎拉豐阿呼圖
靈阿並以禁近得預

牧民方伯恰因來

直隸總督方觀承適以十五日

至因命預宴

入宵乍可羣觀炬卜晝何妨一舉杯

正大光明懸寶額

殿正中恭懸
考御書四字寶額

皇

憲皇謨訓共欽哉

酒醴笙歌秩有倫虞書弼直切臣鄰要當吁咈陳民隱
豈貴都俞頌治臻三輔稍欣溝壑追萬家詎獲益藏均
帝城午夜稱同樂尚共思乎俾返淳

錢選清江漁艇

澄潭網集頗嫌喧一對煙蓬出水村椎髻蓬頭自團聚
逍遙那羨武陵源

燕九鐙詞

層層火樹銜丹鳳爛爛蓮花踏碧雞西域法輪無盡轉

東山仙蹟又重提

月色今朝似讓鐙
鐙將闌際月初昇
一輪原比千枝朗
標出心禪最上層

吐霧興雲成指顧
嘆蜂化鵠祇斯須
丹臺試問登仙者
幻術何曾有略殊

七宵鐙宴對黿山

自十三至燕九觀鐙凡七日過此則收鐙矣

電火原消瞥

眼間最是流風真
解事常收傍晚樹
梢閒

詠漢檐鐙六韻

夏人沿路徇漢殿向檐尋詎是宣丈木稍殊奮武金特
編異鐘製柄甬突鈴音博古瑤函萃千秋翠色沉浸論
出土代可伴翦檠吟緬想占風雨起予宵旰心

題仇英林亭佳趣

選幽結屋萬山間山外流來水一灣石岸奚妨教詰曲
木牀真足養高閒並無俗客尋常到雖有柴門總不關
架上抽書聊棄暇龍蒙那擬便為刪

春正含經堂

書堂御園東軒敞別一區銓宵宴賚駢日日奉

慈娛以此無暇至華禁空待諸過節茲偶臨芸編香襲
子綵綴雖飄蕭慶宵寔則孤斯因臺館多靜思增慙如
盆梅乃知時枝頭芳始舒

思永齋

含經思永近比鄰題額稱名實欲循枕肱禮園希復性
沉潛義府慎修身底須銀燭憐過節耐可華編娛早春
德業進修寧二道箕疇願福萬方民

得春亭

野疊春臺佈始青
行看色色與形形
東皇消息誰傳得
領要由來是此亭

自得軒

寶額煥楣檐
因文理趣拈

聖人能自得
小子歎前瞻
銓事收銀燭
年光發繡簾
優游翰墨苑
覺此足沉潛

迎步廊

迴廊不欲直曲折足延步一轉一致幽迎人遞佳趣因
之悟為文元氣在吞吐叶善詮理者誰莫過陸家賦

題金廷標畫

不教筏舫換柴扉團聚常看婦子圍
檣岸繫船羣曬網盤餐喜有鰕魚肥

右漁

山頭新負過溪濱擔賣無過左近鄰
何必道中嘔且讀報妻終不學吳人

右樵

揮汗耘田日正長
偷閒小睡午陰涼
夢還不涉邯鄲境
也祇殷勤較雨暘

右耕

三家村裏古風存
白首田翁自課孫
耕織相安王道具
寧須時務細陳論

右讀

新春萬壽山

過節稍餘暇新春試賞山凍蘓土潤埽冰解水溶灣四
序不相讓一心底是閒迴軒俯曠野于耜屋民間

繪芳堂

開韶乘氣攬山光休坐書堂玩繪芳孚甲組茅行已至
千紅萬紫箇中藏蜃意且遲去聲丹青采鈿几欣披翰墨
香若向魯論究深義當前境是起予商

題澹寧堂

山未芳而澹水無波以寧觸緣皆妙會契理亦忘形砌

草露生意盆梅噴靜馨化工惟易簡揭義在義經

寄瀾亭

萬頃昆明未作瀾風波靜亦覺池安對亭若問於何寄
踏寔應從冰處觀

靜佳齋有會

聞之無極翁動靜互為根其義本義經闡微直探源如
是則動靜應迭為主賓翁更詮之云主靜人極存斯齋
曰靜佳此理可與論既占山水秀復遠塵市喧即所謂

靜乎未識瀟溪門

袖嵐書屋

迴巒昏嶂護書齋
詭石喬松古與偕
憑著雲窻聊縱目
西山却近在襟懷

構虛軒

雲軒據別峯琳宮
遙對望訝如構於
虛何殊乾闥狀因
悟四天下於此應
相仿叶藏密彌六合
惟在一卷放每
每會心殊因之題
壁上

清琴峽

出峽泠泠帶凍懸彈成真是響冰絃春溫即景原吾事
思到茅檐蔀屋邊

題方琮倣王蒙松路僊巖圖

仙巖松路久傳王藏度鈴山舊有堂

見名畫大觀
董其昌題語

昔實

得門自文貴

亦見董
題語中

今虛授業者宗蒼

方琮從張宗
蒼學畫有年

詎

惟溪壑肖曲折端在精神合混茫那更丹臺尋葛羨起

予輩望屬中郎

嘲紅白梅

梅以白為真紅者亦間有然皆異樹生賦色隨所受東坡答溫公茶墨義精剖墨黑茶欲白茶新墨貴久其蹟雖相反德操同不朽譬之賢君子黔皙異妍醜此語可狀梅色殊夫何咎怪哉藝花師移接逞巧手一樹而二花紅白紛枝首白如荀傅粉紅如徐中酒徒稱把臂英亦豈忘年友絲非墨翟悲柳幻友離肘大失梅本性放葩似沮怵俗眼或詫竒雅人應不取

觀通鑑輯覽至褚遂良貶潭州事嘉其忠惻輒效
其體擬作

元舅與功臣由來不可誅草茅承顧託寧當惜殘軀忍
視夷姜汚曲從政君誣國是太宗創臣忝召爽徒叩首
願還笏忤旨罪奚逋潭州被薄譴敢曰非其辜迴首望
金門無言以嗟吁

和閨王寒山拾得子

入巖復出巖無可無不可嗑然笑伊誰豐干何瑣瑣

倪瓚巖居圖

幾个一拳多價

世傳雲林蹟率作一拳石幾個了簡淡而已然偽仿優孟正復不少

巖居此獨見渾深並無人迹來空谷疑有雲容出遠林
已似山陽曾著論不須梁父更成吟竹編茶竈依然好
見圖中王孟端題句引我遐心到惠岑

填倉日作

十日上元過五朝春孟遺王盤行麪餅銀縷佐尊絲但
得倉箱積寧愁甑釜炊雖云俗節令王政必勤斯

挹香堂

都梁沈水不須焚
四季花芳鼻觀薰
若論挹香心會處
六經以內得尊聞

戲題鶴安齋

園林率養鶴以其調
弗俗素羽與朗音
足清人耳目不無資
稻梁斯有所拘束
閒庭松石佳鶴安
名我屋其然豈其
然胎仙意如慝

澹閒室

築室山水間水澹山斯閒等度與佳名不出此一園春
秋趣會殊向背景各存名固莫可窮阿誰能忘言室乃
不著語澹閒於是閒

再題廓然大公八景

雙鶴齋

綠柳陰中鶴刷翎月明疑是兩仙停每從

標榜窺

深意能和猶然愧法經

規月橋

規成圓圓莫如月月自先天規後天試看卧波分上下
却因半故體常全

峭倩居

假山閱久訝真山莫謂疑廢見布還古假喚真真喚假
更誰能置議其間

影山樓

拾梯人似壺中步捲幔樓原鏡裏披窈窕本懸石谷畫

沖融合讀杜陵詩

披雲逕

詭石攢叢騫欲飛又疑雲片是耶非此中尋逕入深處
安得濛濛不濕衣

綺吟堂

成吟寓目祇斯須工拙何煩更計乎五字設當髭撚斷
盧家笑欲作髭徒

韻石淙

流泉石上似琴調詎是尋常麀尾燒莫訝宮聲非漏越
五絃

當日叶簫韶

啟秀亭

已覺芳茵襯步青東風有脚善形形朝葩夕蕊行看啟
解報先聲是此亭

題李唐滕王閣圖

遠秀分從衡與廬江邊樓閣迴臨虛崢嶸直寫絳州記

歌舞遙思帝子居南浦西山相映帶今來古往此踟躕
家將軍法能津逮蔚紙雄渾青出於

蠅蠓

蠅蠓浮撇天陽氣始奏達塘北冰欲蘓池南水已活醯
雞甫辭波飛空亂騰越非甕無酒氣撲地隨唾沫驅散
仍復聚紛不可究詰粘衣喪其生較菌猶飄忽微物亦
一時化工浩旋斡

董其昌奇峯白雲即用其韻

重之曰書翁輕之曰畫客香光兩不知雲峯伴寥寂

正月廿九日詣

暢春園問

皇太后安遂命駕還宮輿中即事

慶節承

娛往苒過仙園言返奉

慈和問

安遂命還宮蹕祭

社兼修進講科勤政心殷宵旰切行時志凜惕乾多青
郊含潤將興耒為祝倉箱卜若何

木根如意

泯盡山生意却供座上揮如欲笑石家賓鐵金剛禪
此非虛

高克恭雲橫秀嶺圖

迴薄氣蒸澤淋漓潤逼人溪頭覓津渡雲外見嶙峋自
是大家法能傳詩者神小亭檐柱迴借問待誰巡

正月晦日瀛臺即景六韻

經筵尚遲日西苑偶行春
底論一分去聊為片刻巡
笙歌却舟泛詩句笑樓掄
誰見莫全落恰欣鮮漸新
芳菲無遠限蘊藉有良因
最好尋吟處由來不染塵

綺思樓

口過非惟宜戒之

佛經口過四一綺語也

有為終不若無為請看

萬紫千紅者大塊何曾費綺思

淑清院

苔皴松蓋蔭石激泉琴鼓假山四百年岡巒鬱吞吐草
木雖未芳陽和已將煦徘徊閱淑清世界即上古牆外
市鄼聲疑是修月戶

千尺雪

流泉不凍表垂氷動作雪花靜雪凝此是六霏真面目
寒山閣上得何曾

題鑑古堂

檐楣標鑑古鑑古意聊論詎玩豹奴帖非珍號叔尊縹

緇足神徃勸誠在思存義府真堪樂休言衆妙門

植秀軒

階下猗猗綠竹栽林丞分付善滋培怡然攬秀翻餘愧
幾見菁莪樂育材

虛白室

豁呀望中深既深始宜靜窈窕一徑通希夷六情屏妙
達目為明寥朗意因永克已顏四勿守約曾三省殊途
而同歸虛室其首肯

藻韻樓

金碧樓臺閭苑邊
八鴻祇在鏡中懸
不經意想天然得
月露風雲總道詮

春及軒

疇咨罷幾暇不可孤
良辰韶春行將及
柳稊蘚已皴是
處亦三迳松竹扶嶙峋
緬懷淵明翁清風穆如新
我當勤思政安能效其人

補桐書屋作

新桐如舊桐交枝伯仲伍書屋每竭來輒憶其初補披
芸恰義經无咎一絜矩如云藉取資吾懷仲山甫

聽鴻樓

陽鳥雲中未發聲高樓何不可為名一般聽有百般意
宵雅劬勞切我驚

沈周溪舟夕照圖用吳寬題句韻

無礙溪煙黯欲迷
拏舟幾曲只沿溪
渚旁小泊迴頭望
却見屈巖茅屋低

摘梅

梅花無仰開云善避風雪驗之果誠然反側枝間纈是
謂具機智寧祇芳且潔益時雖由人其性不可奪春來
葩益繁纍纍纖條結韻妍以為清味郁而不烈太盛物
所忌間摘非連折置之水精盤一色難分別几上撲鼻
香不辨瓊英設欲呼宋廣平重賦心似鐵

仲春經筵

文華春講集羣英書義經微細討評四海耕桑因所利

萬幾勅使省其成

是日進講論語因民之所利而利之尚書屢省乃成

詎惟守註

毋甚解亦曰尊聞在力行内外交修非二事隣哉思日

贊治

平聲

春仲齋居

仲月臨上戊將以祈

右壇法宮肅致齋穡事籌大田去歲沐

鴻貺二收頗可觀稍以濟灾黎吾心為少寬即今農方

興夔夔敢即安顙希暘雨若庶得綏豐連所廛萬民食

所凜為君難高居非習靜默審敬怠端

漢玉雙鳩

刻玉成鳩漢制遺雙棲恒不離

去聲

雄雌那因晴雨為呼

逐可向榛桑想羽儀京索追求雖說俗長安變幻亦傳
奇老安本是宣尼志祝醵扶危合塵斯

明憲一首

明憲詎曰尚高閒闢達重華志仰攀越若臨民慎恭已
克知圖易在思艱

題韓幹馬性圖

不求形沛艾端取性驍騰試看驂騑壽誰云凋喪曾

反韓偓鬪雞詩

偓詩嘲其不問梟而害同羣蓋有激而言之然梟
本非雞所當制而報養以禦來侮亦不可謂之
害同羣也因作此詩以反之

狸膏芥羽主人施驅向羊溝鬪敢辭正是稻梁恩報處

庾公抽矢亦何為

庾公抽矢孟子雖以為端然顧友誼而敗其君事豈正道哉故並及之

隨安室八韻

在養心殿
東暖閣內

隨遇得居安養心左序端檢身若不及容膝已為寬志

與青年異

此予在青宮時即以名室益取隨所
遇而安之義今則異曩日之志矣

題斯觸

處觀

御園及行宮書室率題
此額猶弗忘昔之意也

敢求一已逸實覺萬民難

為是勤宵旰因之叶燠寒祈年無間意望雨或忘餐驕

否

有韻

泰艱致今非昔所歡循名如責實裨爾祇三歎

安息雀卵

有序

胚渾孕異寧聞累御探來孚翼遺珍孰辨姬邵覆

去徵趙宋而瑞圖差小不貽詎出真龍訂馬遷則
屬國云詳如甕曾傳大鳥旁證鮫人園客語斥搜
神近參羽脩鱗圓形符博物爰定條支之種並搞
安息之篇披舊製於上方紀年難溯北新銘於西
域即事堪欣縱品殊闡國球琳不貪是寶而光媿
伊犁鷺鷥可用為儀云爾

宋家龍鳳率非真

見聞見後錄

史記條支早見珍形大誠如

陶繭甕質輕穩藉錦茸茵惟黃與白艱乎翼既脩而圓

辨匪鱗庫貯不知何代物先聲應為去聲遠方賓

延春閣

春為四德仁鳳閣勝延春登必思元善職惟牧萬民高
言謝容鄴切已在修身韶景將條鬯吾懷與物新

賦得玉壺冰

樓閣壺冰裏襟懷清亦如簾旌風入靜憲綺月延虛芝
篆薰晨鼎蓮檠檢夜書叅軍已獨步那更藉吟諸

王鑑倣元四家筆意

不擬富春長卷艱興來小景傲秋山
愛他迎面金韃意
豈在踈皴彷彿間

右仿黃公望

數疊蒼山松幾株
九峯為憶讀書區
絳雲可惜咸陽炬
欲覓真王正復無

右傲王蒙

淡淡喬柯遠遠山
却因鼻祖溯荆關
草亭莫問應誰付
流水行雲好是閒

右倣倪瓚

山居粉本宛呈前津逮還教溯巨然匪說攸聞不師古
亦云師意始稱賢

右倣吳鎮

仲春祭

社稷壇

無事必躬親祈

農逮仲春龍葱祥栢護肥脂盛牲陳

土穀惟神道

稷龍亦佐禋五方壤分色七奏樂鳴鈞希

佑非闕已籲

豐總為

去聲

民東郊將舉趾膏雨願依旬

題素尚齋

西壇舉春祭西苑駐春旌問

寢已云濶傳餐便以行韶迴樹改色冰解瀑添聲蔽芾
茲更服差符素尚名

望寶月樓未至口號一絕

慶宵已過又中春
西宇眉痕掠影新
恰似高樓遙在望
祇應屬目絳河濱

韻古堂

鐃鐘特磬均依古
所為

去聲

西江古器呈
遂使笙簧無舛

律乃知天地有元聲
溪堂在簾常含韻
春祭聆章正叶

平

木朝中和樂皆以平為章

鄒孟設如誦服服放勲益切勉行行

春耦齋

候

安將欲御園迴取便春齋小憇來心切方興東作矣況
當祭

社甫成纔

再題聽鴻樓疊前韻

乘煙前日憶其聲嘹唳聽疑自喚名恰是令人識鴻耳
流陰瞥眼那知驚

看畫廊

山纔向芳際水始欲波時柳帶黃猶淺蕪茵綠尚疑行
行目因遠望望意方遲試問丹青者將何設色為

詣

暢春園問

皇太后安

經筵祭

社無非事歲事平明詣

暢春歡喜

庭闈趨省謁

康強食履敬咨詢
壺天欲鬯園如繪
愛日方長漏似梭
內侍連朝馳問

豫豈如色

養以躬親

題和闐玉鏤巖居圖韞

與木石居鹿豕遊
是誰肥遁許巢流
吾惟從善重華企
莫禦機張一例道

唐寅溪橋漁艇

野艇浮溪處處通
芰荷香遞網絲風
箇中真趣誰曾得
彷彿其人休與蒙

仲春靜明園即景

初歲堂堂逮仲春
煙宮偷暇始來巡
波暄蠛蠓乘空起
坡暖蕪苔得氣皴
祇彼蒼松無改度
待他衆樹又從新
靜明不在芳菲輟
今日方知妙入神

華滋館

春波弱勝舫春旭暖明軒漸欲豐裘換恰欣芳帙存來
信因徃屈得趣亦忘言底識華滋候韶光遞水源

竹鑪山房

何必椎輪憶惠山欣茲亭帶片時閒若非製斗評輕重
向製銀斗評較諸泉惟玉泉與伊遜皆斗重一
兩餘自贏二三釐至一分不等語具第一泉記能不失

之伯仲間

練影堂

上帶煙空下落空虛堂心境兩俱融一間法括三千界

祇在依稀影響中

題飛淙閣

天一本無翼淙空乃若飛勢疑翔且翥色訝是耶非衝
出氣元漠擘開山翠微今朝觀振鷺周雅辨依稀

含峭居得句

山居羣峭裏云峭此中含日而將月面前三與後三本
來無定象誰果契幽探小憇旋言去靜緣寧得耽

岑華閣

誰道春山花尚無
擢芳啟秀迴標孤
恰如佛掌青蓮出
不共四時為苑枯

涵漪齋

初開春水一舟通
水上軒齋鏡影中
偶詠壁題成隔歲
似看雁字不留空
已欣皎潔如呈月
何必波瀾更憶風
位置若還覓粉本
輞川圖裏辨新豐

石渠寶笈藏郭忠恕輞川圖是處位

置畧
仿之

賦得廓然大公

順應惟神用大公全體存祛從情好惡施因物威恩鑑
不妍媸設衡寧輕重論銘屏常觸目還似讀昌言

分鑑曲

一片虛明成兩鑑曲因山浸作崖垠恰如月印千江裏
誰識其間分不分

創得齋

創得由來此創成山莊亦用此為名不因數典翻推祖
設論居前合號兄觀物何曾有定象喜新率可識常情

花芳未發知春入乍聽岩禽自在鳴

戲題試墨泉

每愛山清水復清輒教選字與佳名不工書法兼無暇
笑我何曾命墨卿

仲春御園泛舟即景

法宮數日小淹留凍解居然可泛舟試艤蘭橈觀石激
光陰却訝似茲流

嫩芷新花都未發頭鶯迴雁已紛來曰矰曰網全無用

那更高稱三面開

迎步廊

人步廊而前廊似迎人步誰主更誰賓妙趣箇中寓曰
往即具來謂新已成故可以挾毫翰可以供繪素曼迴
自超超乃於不知付

再題開鑑堂

春池冰解水滌洄今日真看鑑影開興趣每因殊所遇
不遷於境者誰哉

煙月清真樓

春月真誰比春煙清以嘉寧須輕拂柳且未淡籠花凝
處半輪暎掛時一縷斜古來兩契友風韻特無加

得全閣

勝題逐處選名言責實循名意每存不取沈家傳八詠
端思枚叟有佳論

靜娛書屋

石秀松蒼別一區雅宜樸斲謝軒朱庭前花事猶遼待

架上芸篇伴靜娛

賦得水村圖

山村稱北遠

北遠山村中傍水築村舍因以名靜室

亦有水彎環可課農

桑事無非煙靄間蠶筐求葉出漁網受風還寶笈藏松

雪

石渠寶笈藏有趙孟頫水村圖

置身中不慳

琴清齋

書齋臨水號琴清正是春溫和且平何必七絃虞撥刺

由來太古自然聲

君子軒

一逕入琅玕三間藏宛委衆芳尚遲遲萬个祇如此標
形皆玉亭作響乃金止雅宜風月契寧藉龍鳳比惟斯
不改度信足稱君子

唐寅滄浪濯足圖

不繫舟浮萬頃淪何妨濯足坐船肩天空水濶渾無伴
應是三間問罷人

御製詩三集卷三十六

欽定四庫全書

集部

御製詩三集卷三十八

詳校官侍郎臣謝墉

助教臣常循履勘

總校官原任中允臣王燕緒

校對官學正臣卜維吉

謄錄監生臣魏淳曾

欽定四庫全書

御製詩三集卷三十七

古今體一百二十三首

甲申三

仲春召蹕恭謁

泰陵

春露興悲候春風召蹕初寧稱行歲例業已隔年餘植

柳高籠路來年蛩暎輿西瞻

雲巘迴切切渺愁予

過盧溝橋詠冰解

水黑為盧冰亦然隆冬凍合澤腹堅東風一夜入長川
解之祇在須臾間青氣鼓動橐籥宣元英不得施其權
層疊黝玉巨如山累而置之河兩邊其高峩峩長連延
黃流在中瀉激湍方當初解奇可傳礪礪硃聲喧闐
快馬斫陣勢擊鳶似神而非三似焉亦不衝蕩石橋堦
信非人力斯由

天襟帶皇州億萬年

雨

夜半起春雲濃陰逮卓午輕輿過盧溝
震震霏絲雨東作尚遲興實未望延佇
望外得所希豈不欣所覩是時地氣蘇
凍解泥融土益之霖霖滋自利耕犁舉
稍厘怨行路大慰歌農父權其輕重間
況吾司相輔

良鄉行宮晚景

往來曾幾宿今昨率逢春雨過樹如沐
候寒花待嘖馬嘶牆外客鳥訴座中人
西北縱遙目峯皴一帶銀

曉行

近山迤邐雨為雪破曉登程撲面涼過慮非關禦寒計
發生之候可無妨

吉陽

良鄉城西四十里吉陽古村過迤邐村翁不識為何名
我獨欣其協易理善詮斯者更曰誰三策天人漢董子
昨朝西望雪意濃今來積地猶爾爾為慮釀寒礙簇生
幸是麥苗尚未起國以民本民食天隨處農功厓籌揣

曦光曠朗照迷離漸覺皚皚向融矣原成膏澤滋大田
吉哉陽德真無比

望大房山襟詠

設險王公守大防

圖經古稱大防

奚如禮義固金湯一家燕晉

寧堪數

上聲

西界新開萬里強

峯集鳳還穴伏龍鬱恣佳氣望重重上方寺與青霄近
仿佛猶聞雲外鐘

貞元遺跡不堪尋壓勝寧當神弗歆

故明天啓初謂金陵與本朝王氣相

關周加毀折且剝斷地脉建廟壓勝妄謬
貽笑千古語詳皇祖脩復金陵碑文伐許檄傳千

載笑何殊校尉有摸金

聞說仙人白玉堂千秋紀述率荒唐却看素積羣峰表
釀得嵐煙一谷涼

襟言

途久將成河實以人行多改轍就高阜目前計無過戶
樞稱不朽此理又如何井甃餘汲溜石磨繩弗磨人墨
有良喻吾聞諸東坡

過安河襍詠

濡源疏治得安河春月輕輿每一過屢見不須深致辨
凡水以濡名者甚夥獨石口外之濡音義各異其同音
而在畿內者已有三一涿郡一河間一即易州辛巳疏
復記工賜今名安河者故上年疊韻
詩有安東及高陽仿佛名同傳之句
所欣功在利農多
牕堰高低注子渠桔槔分置灌春畬有司長此斯民福
莫或徒供一覽予

渠上顏垣何代城當年庸水此經營誌乘已覺傳疑信
故老那能悉指名

灌輸輪日具條規瀉有溝塍潞有池所喜無非為去聲農
計草亭點綴又何為

宿永慕齋

齋閣又來臨

鼎湖隔嶺岑馳神由自昔慕

澤到於今雪後山光冷時陳樹影深一年纔一宿何以

副初心

月

世界煙花有底常
山中月色祇蒼涼
今宵一宿明朝去
美爾流輝萬古長

恭謁

泰陵

結念展悲來
禮成何速哉
三春芳覺歇
萬古籟鳴哀

嚴殿衣冠閼

寶城松栢杳
再臻動經歲
欲去首重迴

秋瀾村

春瀾解凍綠縈門何必思秋秋意存為是上

陵初返宿幾迴西望愴無言

引渠亦有水田治物土耕桑民自知昨近經筵詮此義
大都因利在隨宜

每當轉蹕此徘徊几席誠清意懶陪庭雀不知悲緒在
啾啾似喜有人來

暖

今歲節候遲仲春凍始解前朝更微雪遥峯積素在萌

芽雖未發東作則有待恐妨舉趾延詎因懷蕩駘朝來
風日暄郊原觀損改高巒雪色消曲渚泉聲浼路柳黃
染絲巖桃紅吐蕾村氓治耕具賣鋤將牛買勸農宣虛
飾憑輿意殷倍大哉東皇德與物樂和愷

村行

西村厯厯復東村雞犬相聞結世婚百歲老人屋底笑
兵戈不識長兒孫

前年連潦為民傷去歲秋登有蓋藏欲致太平無別術

足衣足食各安常

冬麥將萌春麥未郊原含潤待新畬
顙祈今歲雨暘若庶得民間氣更舒

望石經山

靜琬發心刻大乘虞其變滅弃巖陵
未知佛法無成壞豈在綢繆藉爾能

過拒馬河

拒馬來迴度輿梁亘卧波近山原野
潦挾水遂成河

水經

注以拒馬河即涑水故清水盛則長津洪注水耗則通
波潛伏今故瀆亦絕而不續自附近山谷諸流涯注始
成河

興利非容易籌安竟若何迤東注沽淀疏導可延

俄

河流下會瑠璃白溝諸水東注直沽方命大
臣等勛治浚泊源流疏導實厯疇咨長計也

半壁店行宮晚景

今朝來即前朝去別館曾無來去情一切有為皆幻象
幾章清詠付閒評勒寒花樹芳遲發向暖郊原潤建耕
牆外千廬屯扈蹕晚風歸寓認心旌

題董邦達山水

尚書筆意倣房山恰正房山聳對間何必雲巒歷重翠
片時絕頂去來還

右雲巒重翠

舟進溪源便捨舟層巖策杖下臨流袖珎可當太沖集
兩句崇情意總投

右層巖飛瀑

迴鑒過吉陽

前日驅車去迷離積雪鋪今日驅車迴雪消素色無但

聞土氣香那覺寒威俱屈指四朝夕改觀頓爾殊額手
為農慶吾豈徒遊娛

麥芽

連朝律漸暄蘇凍地氣升冬麥亦抽芽鋪隴芄青青百
穀惟斯先青黃惠濟憑又云當三秋北方諺可徵為之
雖在人綏之藉

昊靈所祈暘雨時庶幾閭閻寧

重遊潭柘岫雲寺疊甲子舊作韻

廿載別初地一心憶柰園因之紆蹕路重與問禪門石
瀨笛吟馬松風嘯擬孫輕輿共春入幽谷有禽言

曲徑行廿里崇山圍四鄰梯巖種果樹結宇住村人老
幼孳生庶農桑厓念頻茲誠為治本那慕出塵倫

盧家灘北望月宇尚空懸却乘去聲行余馬仰高漸就前

兩峯開法界萬樹幕祥煙壁沼紅欄護云生遠社蓮

屏營瞻相好

義畫牆題留日月光龍象山河共峙流

遺蹤思觸目

深澤憶從頭佛我仔肩重禪心敢或投

寺傍精舍好迴絕俯雲霞壁勒前巡句窓憑今日紗春

風在蒼柏古蹟說青蛇

耳譚云寺殿中二蛇名大青二青或自逸野中鳴鐘則至

僧

守毘尼行

梵言毘尼此云戒律也

徵心忘剥芭

峯峰削玉蓉靄靄蔚雲濃仙籟常盈耳凡塵不入甯欲

深欣竹護弄潔得泉淙遂與今宵宿聽他清夜鐘

題延清閣

香閣諸天上流睇迴絕塵開窓憑象外坐席駐前春廿
載無來去一心泯幻真却懷擾淨域扈從到多人

飛雲一首

飛雲幾點亦堪誇落地融為春雨嘉應是祇園龍象喜
曼陀羅此散天花

猗玗亭

掃逕猗猗有綠筠嘖伽鳥語說經頻引流何必浮觴效

豈是蘭亭修楔人

寺中舊名為流杯亭
石渠現在故殿及之

花朝二首

花宮偶值花朝度是日又稱佛涅槃了識不關生滅法
拈應迦葉笑顏者

千紅萬紫寒猶勒天女如何舞七槃藉取玉霞飛幾片
四禪天上賽春看

晚晴

潤野非希膏雨時晚晴千嶂霽光披雪飛幾點渾無冷
雲斂一空旋去聲放曦應是山靈技畢獻得教春景覽靡

遺所欣在此不在此東作方興暖更宜

過羅睺嶺

誌乘稱羅睺其說引未發村俗呼鑼鍋久矣難究詰或有謂為俚改之曰蘿葛去初愈以遠偶過聊詮核兩字出梵典此云障持括八部中之一是為佛護法化身巨且長舉手障日月取以喻嶺峻孰云義不協且在兩寺間護法力應竭清晨別潭拓大榦盤嶮岿隆崇高凌雲朝陽出其脇過嶺見戒臺石棧片時達坐精室闡義提

婆道饒舌

遊戒臺疊癸酉舊作韻

過嶺盤迴磴琳宮此重

去聲

尋松風謖詩意水月空

去聲

禪

心那辨隋唐蹟徒傳功德林再來渾熟路小坐已開襟
庭樹莫非古砌花寧獨今常時相望境一晌驗雲岑

詠戒臺活動松

搖動旁枝老榦隨山僧持以示人竒一聲空谷千聲應
藉問神通孰所為

石景山禮

惠濟祠疊癸酉舊作韻

寺碑建雍正

皇考闢

神堂清晏資

垂佑實枚偁向陽不愆秩宗祀恒奠冀州疆蒿目一勞
計難言永逸方

香界寺

香界香山竅南首率因遠率不常來今朝却為宿巖館
取道還緣遊戒臺無繫念成閒禮拜有餘趣得小徘徊
丈夫調御如如坐今昔何曾著點埃

寶珠洞

香界據巖巔寶珠更巔頂取近不辭高為翦西山嶺便
道所必經況別時已永俯我虛室窓萬概要全領詎云
暢遙情亦以發深省

駐香山靜宜園有作

山行迤邐至香山隔

暢春園廿里間返蹕問

安宜及早駐旌過午暫偷閒雖然芳景還遲待何必幽
巖不可攀況是詩篇需補足箇中拙速我猶閑

歡喜園

盤嶺至香山頗近十餘里下馬入巖關輕輿緣喂喘一
例拳石間內外蓋殊矣草色雖未芳泉聲已覺美古寺
住金仙到來近尺咫寧當翫然過瞻禮投五體岫雲與

戒臺那復分彼此其傍有精舍曰園取佳耳今朝偶憩
延即景真歡喜

來青軒口號

來青衆木尚遲青著句何從覓色形一笑循名有如是
四時青意此間停

玉乳泉

春竇淙春水因緣春日臨寧須照花色可以空去聲塵心

世外宜風月中駐古今掃苔成小坐得句亦清音

題超然堂

去歲書堂初斷手春朝清暇試重登昨今率以六如閱
几席之間千里憑苟有可觀皆可樂既無為所底為能
摘詞聊付烟霞伴莫認禪談最上乘

靜室

不到香山到定來今年芸幔此重開太空寥朗懸珠闕
萬木扶疏起玉臺何必巖花錦綺織已聞谷鳥管絃催
曰花曰鳥動歸靜應付虛堂永與陪

戲題皋塗精舍

靜室據最高
既陟例言返
精舍居山腰
畝平築雲巘
一以僕人憇
一以崇情散
何不可徘徊
天色況未晚
朗然玻璃窓
亦足供望遠
門前扈從紛
此尚屬從簡
了知山靈笑
古曰此肥遯

詠桂

玉華

岫名有寺向於此養桂樹

育桂有僧寮
綠葉依然冬
弗凋不似

杏桃似松竹
故當香粟放
秋朝

碧雲寺

招提隔橫嶺不數里而遙那可孤初地渾疑坐半霄佳
惟竹泉獨清覺谷巖饒何必尋春色天花滿座飄

洗心亭

綠竹猗玗繞鏡池到來惟惜步前移覓心了不可得處
應是洗心已竟時

祛却塵心悅性靈禽言聽似摩訶聲明年再到雲棲寺
待問山亭可爾能

試泉悅性山房

洗心亭北入松門別有山房臨水源
瓷銚筠鑪俱恰當
試泉悅性且溫存
低枝竹解塵蹤掃
彈舌禽能佛偈翻
小坐已欣諸慮靜
一聲定磬隔雲垣

山陽一曲精廬

西山所欠水此乃水勝山坐我池塘上
疑其茗雪間
洗將塵萬斛
延得趣千般
如是真佳處
片時來便還

對瀑

飛落崇巖不計層蒸為雲氣帶峻嶒如斯聲色掇掇地
滌盡根塵獨爾能

淨涼亭

山中瀦水宛成池池上亭常秋意披何必四時不可轉
大都萬事在人為

懷風樓

窓堪雲霧攬坐有岡巖枕巖風落清泠拂塵颯襟袵
吟昨冬句流陰信苒荏如云君子同民偃吾猶凜

詠鶴二首

去年冬駐此放鶴茲仍在園中特翱翔任其性耳
在陰景概與避暑山莊略同不能忘言輒成二首
去年放鶴翠巖間今歲還看鶴在山不戀稻梁喜松石
世多凡鳥那能攀

快哉解脫出籠關飲啄清泉古柏間嘹亮一聲雲表落
較於昔特覺心閒

曠攬臺放歌

山已居高臺更高所為登臺供曠攬可知知止竟誰能
以已度人生百感人願天從天且難供以一應萬凜乎
九重高則卑照物將弗遺水清無魚其言可思楚王三
戶尚盟強臺吁嗟圖一覽之娛乎吾羞此來

畫禪室

寶王刹現一毫端百尺竿頭進步看借問香山應時句

會昌九老雅宜觀

內府貯劉松年
會昌九老圖

得一書屋

得清曰惟天得寧曰惟地得貞以為王天下庶易治天
地本無為清寧得易致王者欲得貞有為宜深思參三
一以貫中和天地位往聖垂明訓不敏請從事

琢情之閣

詩人追琢詠其章莊叟翻稱混沌亡一亦不存兩不涉
隨緣高閣賞煙光

香山夕景

蒼然腫色落巖扉適可肩輿下翠微伏櫪馬聞牆外聚

投巢鳥向樹深飛欲觀夕景觀初暮不辨峯姿辨四圍
半日促成詩廿首明朝可罷詠而歸

舟過萬壽山不泊倚舲襍詠

侵曉香山返蹕旌玉河沿泛達昆明壽山無暇探春色
為切詢

安促水程

玉帶橋西耕織圖插秧猶待採桑無暄和已遞佳消息
攬結行將奉

懿娛

明湖春水半篙深
戢戢青蒲刺碧潯
雖是無心閒問景
倚舲何礙一披吟

翦湖片刻艤東提隄
上金吾候早齊
遂詣

凝春廈問謁

皇太后駐暢春園
以凝春堂為寢宮

連朝大慰意懸芳

迴鑾詣

暢春園問

皇太后安

日已將旬出蹕騶香山一宿敢重留侵晨祇肅迴仙苑
問

寢歡忻謁鳳樓

大德從來四美契

暢春益茂萬年籌潤郊麥色青方蔚奏博

慈顏悅有由

御園仲春即事

嫩日輕陰潤意含御園春景稱吟探花光未爛因寒勒

蕪色纔舒飲露酣我念農功興二月人言節氣似江南

由來枚卜在山左誰得天津騁怪談

宋邵雍聞天津橋杜鵬謂將用南人

作相專務變更云云夫史策所紀宰臣北人南人皆互有賢否豈獨一王安石古稱立賢無方傾所以用之耳即今之漢大學士一為劉統勳乃山東人一為楊廷璋乃漢軍雖有好事者亦不能騰其口故明沿宋謬說爰立輟事爭持真足貽笑千載以有節氣似江南之語故並識如右

開鑑堂

滄池日日暎書堂偶對呼為開鑑光了識萬緣皆假藉

不妨一照契真常

琴趣軒

五七絃音辨莫仍其聲祇在碧澄澄羸他世上琴師者
枉橈於斯得未曾

涵雅齋

芸香四座芬睡鴨不須焚茹古常研秘涵今永佩文藻
思惟乙乙濶論敢云云溯憶昔年志

此予青宮時書室
名也茲仍每以題

額
河間喜不羣

題無邊風月之閣

無邊風月有何因
即景分明在好春
鳥喜歌音送宛轉
花欣舞影照清真

小石林

窓中列岫殊非遠
階際假峯宛似真
何必黃山三十六
由來亭帚亦堪珍

精舍田盤憶石林

盤山行宮內有石林精舍最為幽勝

飛來棗葉墮庭陰

須彌大小休量比
一例無心足悅心

環碧亭

疊石為綺峯激泉為布水夷峻置小亭四柱奇無比
截
薛羅其外淙泓帶其底疑入萬壑深安知一園裏徐步
出幾曲向皆兒戲耳高大自內觀東坡言甚奇

題山影樓

樓據小岬岬復望遠嶠嶺此主彼賓界彼主此賓境奚
如一合相呼之曰山影迭為雅復宜相暎胥平等亦不
以恒登登斯意為永

唐寅山竹草亭即用其韻

肥遯林泉樂寧為漁釣干簷前踈種竹延入月光寒

山桃花四首

幾處山凹桃始華仲春節候不爭差看花好是初含蕊
唐突休言爛漫霞

白者常先紅者開曾論著語有由來請看繪事春園裏
後素誰能或異哉

流風全斂淨無塵微雨時霏暢好春今歲天天真厚幸
不孤引領一番新

女夷橐籥巧栽培不藉東風亦解開月令可知詮北地
幾曾言到信傳梅

題方琮山水

巖谷意含韶葉濃花復天閨人翠樓上上聲遊客綠林招
春水纔勝舫渚蒲未隱橋東郊舉趾者為爾祝豐翹

右春景

滿谷膩雲浮電電卒未休斜風急傘底亂水漲橋頭漁
子衝煙舫幽人聽雨樓彼安懶墮性我切怨咨愁

右夏景

左嶂迴嵌崟右溪解與深雲間猶戀岫天朗恰開襟紫
欲楓千點翠惟松百尋亦堪欣即目何事有繁欽

右秋景

萬樹玉為糊千峯銀遍鋪古來擅摩詰今復見方壺犬
吠人蹤滅童尋酒望沽蹇驢怯泥滑興與灞橋殊

右冬景

喜雨六韻

二月廿二日

此雨真堪喜當春正及時連朝優醞釀徹夜渥電醺樹

濕合圍本

合圍之樹全濕其本則雨為透足矣

花湔欲放枝歷辰還達午

急灑復徐滋望外誠逢幸忖衷益切寅御門集朝彥

是日

御門跋潯亦心怡

雨中舟泛二首

水天上下尋常隔巧與貫

平聲

之借雨絲設問緣何奇句

得利農今日覺心怡

柳色薰黃桃染紅濯枝無力潤濛濛右丞畫意無詩意

祇在輕煙細雨中

春雨軒對雨作

春雨名軒果是奇
自茲春雨每逢之
最優渥者為今歲
未爛漫兮恰好時
徹日徹宵還莫間
或疎或密總相宜
憑欄却幸何修遇
喜共東郊農父知

繪雨精舍口號

三時有雨冬無雨
夏潦秋霖強上聲半
愁有喜無愁祇春

澤今朝繪出渥而優

橫雲堂

春港迴煙舫雲堂憑雨窓滿空皆潤逼無處覓塵降那
數襄陽畫疑收湘浦雙颯聲魚素色定豈礙捉搦

狎鷗亭

御苑曾無矰繳求野鷗喜靜每來投忘機意趣胥應有
高蹈非希隱者流

題澄練樓

乘舟偶至臨湖樓不愛舟中愛樓上於樓為靜舟為動

一例澄湖披蕩漾是時春仲景方明況當雨後波新漲
倒影花光漪淺紋水夷竊得天孫樣設如擬議浣紗溪
洗盡越吳機械障

湛然室

色斯有際空無際內外虛明洞湛然此室問宜誰作伴
手拈花者坐金仙

得全閣

敞閣雖受風春仲律已暖宿雨潤油然韶光電盈眼攬

結景單呈錦繡天工纂忽有貫餅人云自街頭返餅已
賤於昨大田卜益善秋收定全穫此雨利不淺止止毋
復言言當戒盈滿

晚起一律

紙窓靄靄盼昕鋪曉起林亭滿目濡雨霽景光最希有
春園興趣得曾無桃花紅暎黃薰柳雁字雲呼水宿鳬
樂在高原將下隰耕犁處處看人扶

漢玉穀壁

土花瑠瑠其光葆道人之容枯不槁千年以上目前藻
寸度規圓合美好雖有琢磨無奇巧元氣配藜丁甲保
庇蔭嘉穀斯為寶

御園仲春恭奉

皇太后賞桃花之作

雨後園林霽景披山桃灼灼發瓊姿得迎

王母仙輿降正是西池春醺時嫩萼欲禁風韻擘低枝

猶帶露華垂

懿情別有承歡處

指顧連塍綠麥滋

直隸總督方觀承奏報得雨

夜雨繼以日京兆報優覃大雲勢遍滿想必逮畿南越
兩日章至普被春澤酣欣承益悚惕敢曰有秋占因憶
邇年來齊豫每先霑乃延及都下率成例事談此番實
先彼望外幸何堪翻為去聲齊豫望佳音佇驛函

仲春討源書屋

昨日迎

慈豫今朝問

體便書齋退憩息朝政勅傳宣已覺池塘麗還親翰墨
緣六經源設討百行有當先

西隄

西隄此日是東隄名象何曾定可稽

西隄在 暢春園
西牆外向以衛園

而設今昆明湖乃在隄外
其西更置隄則此為東矣

展拓湖光千頃碧衛臨牆影

一痕齊刺波生意出新芷踏浪忘機起野鷺隄與牆間

惜棄地引流種稻看連畦

仲春萬壽山即景

前日問

安無暇到今朝到為問

安迴已看綠柳風前舞
恰喜紅桃雨後開
蓄眼蕪珠緣帶露
稱心山黛不生埃
分明勝概西湖上
祇少北高峯影來

題惠山園

臺榭全將秦氏圖

是皮位置結構與惠山秦氏寄暢園大略相仿因名

宛如摘藻

詠遊吳輕陰宿雨今來湊也與九龍不迴殊

對鷗舫

為齋近臨湖何不可名舫更益云對鷗亦不止鷗漾春
來湖波活水族有千狀飛止任所便夫誰挾弋向馮生
適其適是即造物量吾民艱遂顧故用增惆悵藉曰託
高閒小哉豈有當

二月廿六日山東巡撫崔應階奏報得雨

曉有齊撫章其雨心先揣擘囊乃報霑實獲我心喜二

麥既潤哉大田亦耕矣昨此對優渥懸望已切彼數

上聲

日實十九彼原先於此

京畿以月之廿一日竟夜春膏密沛達翼日四野深透今接東

省奏報知已於十九日普雷渥澤撫臣俟所屬助齊彙奏是以報到後而得雨仍實先於此處也

微雨

二月廿六日

既雨亦云易焚絲曉又霏已看砌土濕不慮谷風飛花
蕊如含笑麥苗定卜肥晴宜繼霑美知足故應稀

史扛杏花麻雀

雙雛相倚枝頭宿老雀飛來喚不醒祇有其雄若無事
杏花深處獨梳翎

西直門外三首

春郊跋馬踏春泥趁潤農民畢舉犁麪賈去聲減前麥種

上貴春雨霑足市人知新麥將稔不能居奇競以平值
信麪而耕者又乘土涯宜苗爭先購麥種價轉增

長畿甸傳世間萬事率難齊
為佳話云

村舍炊煙拂短籬清明節近杜家詩已欣滿目無塵意
又見低雲送雨絲

雨畦煙甲綠恣然行可翻犁種大田等度常年得罕遇
越因欣慰越乾乾

微雨

二月廿八日

雨弗為去聲雲拖氣和真是和潤郊又及寸澤物豈辭多
所慮三時遠翻愁一往過祈年終始意自不解應何

復雨

二月廿九日

油雲午復低好雨

天重錫春霖幾疊見慰心增惕息砌濕牛蹄涔簷溜魚

眼滴宮花紅濯英殿柏蒼含澤無風自深沈入夜猶淅
瀝

御製詩三集卷三十七